



東山志卷之八

國朝

人物

謝仁字得仁別號一敬晉太傅安石裔孫也居豫章新建之古源其先大夫永亨甫元季厄於仇家乃匿媼丈前澤王覺悟所遂易王姓厥後孫一夔奏復原姓焉誠不忘本也幼穎敏端重邑侯鄭欽知其才強辟以掌故即事二載及試事南京內臺操履勤慎閑練刑牘嘗辯活誣死罪七人諸縉紳皆器

異之宣德壬子授福建汀州府經歷時天台許公敬軒奉
勅守是邦見仁言論正大臨事公敏遂傾心屬任焉汀民有得
遺財道上一夕盜殺之掠其財無獲仁憤然曰此豈細故哉
拘其妻問之曰汝夫得財時有見者否曰有素所厚者某公
執而訊俱倉皇不能諱悉得所掠遂抵罪時有中貴以公務
至閩索財帛毒苦郡邑吏民病之仁毅然拂袖起即欲聞于
朝彼亦屏跡嘗署府事剖決如流囹圄一空時人有去歲中
秋慶獄空吟曰此地更從容之謠長汀岳老人等十二家坐

法當戍仁閱一情枉俱出之後以金三百報謝仁曰辦寃吾
事也斥之衆感泣拜謝而去歲凶民饑設法賑施復業全活
者以萬計汀民頌不虛口方仲得者千餘人詣巡按張公淑
保畱會二司文章薦陞承事郎仍司經歷事後竟補推官正
統己巳沙縣叛賊鄧茂七率衆十餘萬圍汀仁率民兵協助
官軍令嚴號明且戰且守對賊諭以

朝廷恩信感歎私遁者萬餘賊敗潰去主將欲縱軍四出搜掠
邀賞仁力沮之曰民多避賊匿山中今賊方退縱兵四搜良



原件短缺

P2

善必皆受無辜矣辭色俱勵而主將氣沮不得已而從之民
賴以生不可勝計復有麾下生獲男婦四百餘口欲誣為賊
仁心知為良民力以身爭咸為辯釋焉未幾賊復寇寧化仁
募兵討之必以身先衆雖烏合皆感激思奮所向無前賊六
懼曰吾自起沙尤未嘗一敗至此繼而脅從吳彥勝等七百
餘人各携妻子詣營降仁皆宥其罪而用之無不一當百擇
日擬率衆徑趨常坪搗賊巢偶得痢疾吳彥勝等見公病且
革咸願以身代仁度不能起乃強坐帳中呼陳陵諸夫長囑

曰賊已敗亡一七八矣吾雖死以等當竭力破賊言訖坐逝
略不及家事次子一夔畱其像立祠以祀之作德為善之報
不爽毫髮後嗣繁衍若此哉子二達一夔文正謝公遷有詩
弔其祠 詩曰

臥龍山下府推祠瞻拜遺民慰遠思星彩久沉諸葛壘棠陰
不剪召公詩芳名去後題忠愛典禮千年奉歲時繼美詵々
應有後只今已在鳳凰池

公之存心一於仁持身一於廉處事一於公正如值賊徒擾

攘之時使非公之謀公之力則其民之橫罹兵刃者何限此
公之功德尤著焉者故汀民皆敬之如神明愛之如父母共
作廟以祀之則公之得民心民之感公德為何如惜乎天不
假之以年使其位未滿厥德其民未竟厥惠而溘然以沒也
可勝悼哉

同邑陳安撰

謝一夔字大韶別號

晉太傅文靖公之裔得仁之仲子也

公天資溫粹待人接物一本於誠尤篤於友誼弱冠從吉水
尹鳳岐先生三蔡氏書先生覽六經義語諸生曰大韶他日

所就吾不平也文章卓然為士林範須領鄉薦魁禮闈及廷
對深契

聖衷賜進士第一擢翰林院修撰李文達公每以偉器期之
憲廟初御經筵以公為講官多所啓沃實錄成陞左春坊左諭
德請假歸省先塋捐俸立義學以教鄉党之子弟又置義田
義倉以賑貧乏暨還京會

朝廷以星變求言公陳五事詞皆剴切預修宋元史黜燕帖木
兒一正前史之謬書成進御陞翰林院學士

皇太子出閣充東宮官與彭公彥實皆以學行選侍讀賞賚優渥旋陞禮部右侍郎制度儀文一皆裁定進工部尚書嚴勾稽剔蠹弊費出有經人無久後二十三年春公得疾啖疾逾五月端坐而逝享年六十有三訃聞贈太子少保謚文莊賜鈔萬貫遣官諭祭者再命有司營葬焉有古源文集若干卷行于世子男三曰綱鄉貢進士曰紀曰經

工部尚書文莊謝公遺像



文莊公像贊

藹然其容歟然其躬恢然其不與物忤者量之濶褻然其能
當衆望者學之充名揚北門績著南宮校群書以稱乎太史
典三禮而佐乎秩宗惟予嘗與之為僚友故望其遺像而識
其為昔之謝司空也

大學士徐溥撰

大對當年奪錦袍芳聲真見壓時髦司空事業白雞夢學士
文章彩鳳毛涼露金莖虛突兀蚤霜瓊樹忽欂櫨玉堂金馬
留餘迹依舊東山入夢蕉

大學士謝遷

謝騏字應祥

山西文莊公孫也治己未進士以疾在告

不就選者十年時石齋楊公遠菴楊公當

國屢招之授工

部主事改兵部復改吏部歷文選郎中銓法多所裁定陞太
僕少卿復以親老歸養初居省城窺宸濠懷不軌忤其意避
迹山中及叛之日官校至門拘索已先期遁矣馳東促陽明
先生舉兵討叛陽明延贊謀議一言釋張閹豎爭功之嫌陽
明題舉義兵欲以公為首功而公力辭士論益重之惜未究
厥施焉

謝廷傑字宗聖號虬峰文莊公之曾孫也登嘉靖己未科進士
博學弘才慷慨雅度為時所器筮仕黟縣令即重於當道改
繁休寧未幾陞比部郎尋轉侍御史巡按浙江所至彰善癉
惡風紀肅然他如崇節孝重養老抑豪橫育士類明保甲以
彌盜申鄉約以敦俗以至先賢名臣祠墓靡不脩舉此其較
然至今頌於浙者隨督學南畿士風丕振得人尤多二載陞大
理寺丞

事之慮善以動者人也福之緣善而集者天也天人之際不
爽毫髮世顧以天為茫々而不修其在人者是未知其疎而
不漏也予高大父直菴公天順間為閩藩幕維時江右王一
敬公為汀郡幕皆以才識明練當道器異適沙尤弗靖檄以
彌萑澤之警協謀平賊惠民其脅從來歸者部帥欲擒彌為
功力排之全活甚衆咸頌其不殺之仁曰仁者必有後可立
俟也間嘗語及先世一出晉太傅文靖公後王其避仇冒姓
者族誼克敦心迹相合若素定於真宰之初非偶然也無何

一敬公沒于官直菴公謝事家居不相聞者逾若干年一敬
公冢嗣大韶公成化初應制舉大魁天下予曾大父木齋公
成化間亦大魁天下同官翰苑每敘先人遺德所及世雅益
敦而二公股肱王室裒然為羣公典刑時木齋公弟迪同大
韶公孫騏聯弘治己未榜子丕發解順天乙丑及第簪笏滿
牀天下莫不嘆曰仁者必有後今果然矣洎大韶公以司空
卒謚文莊木齋公在正德初厄於逆豎釋位卒謚文正不相
聞者又逾若干年文莊公之曾孫虬峯嘉靖己未名薦南宮

時予忝歷尚寶預廷中百執事之末殊慶元宗已而擢清要
按節兩浙而予養痾泉石再會於錢塘追敘世雅情文彌切
隨改南畿典文衡濱行修文靖公墓謁三大傅祠表揚先哲
風紀凜然遠近咸謂仁者必有後何愈張也夫二公自藩幕
郡倅濬發于前而文莊文正克昌于後迄今敏行虬峰媿負
厥聞百餘年以來世雅則奕葉不衰宦蹟則兩地相埒樂道
則四方同聲信平人之舉事當慮善以動而天之錫福必緣
善而集也凡我後裔強為善以無廢先人其永有聞于世矣

鼎之哉

玄孫敏行述

謝文淵號雲川其先景溫徙居廣東新寧縣德行里洪武初年
詔禮部求天下經明行修賢良方正之士文淵以隱儒就徵
授江西清江縣尹有惠政從祀名宦

謝立字朝卓號雙牖文淵五世孫也性穎異孝友家貧養親從
志居喪哀毀骨立事祖母區寢食不離兄疾祝以已年益壽
樂援急難由貢士歷陞學正造就人才時以古君子稱子以
選由貢士分教會稽府學

謝原廣其先自始寧東山晉太傅安十六世孫造嘗同知台州
徙居臨海至宋太傅深甫六世孫長二宋末避亂徙理宗太
后之遺詔復由臨海徙餘姚東山之四門公生而淳厚端慤
力學孝友挹璞不售誠盛世之隱逸也卒於家享年六十九

以曾孫遷貴贈少傅葬雞籠山子四人瓊瑩璩珉璩為原度
後

謝瑩字懷玉號直菴原廣之仲子也公闕偉洞達孝友直義尤
多聞識布政司辟為從事長非其志也遇事敢言布政諸公
多折節從之進隸兵部尚書鄺公桎素嚴重僚屬無當其意
者凡章奏出公手則不覆視比旅試內廷混居常等鄺知公
才行力爭之乃至優格授光祿署丞侍郎柰亨掌寺事挾中
貴陵蔑官屬公乃正色拒之為所構陷吏部尚書王文瑞公

知其枉乃調福建布政司都事會沙尤賊鄧茂七作亂刑部
尚書薛公希璉出鎮委公軍餉先是輸費三倍且弗繼公收
積水次召業舟者使運之量予之直約有損則均其償皆樂
為用民不倍歛軍食亦足承檄守松谿政和賊保官臺山為
窟合處州賊掠平陽諸縣公以計招其黠者五人用其謀誅
首惡宥其脅從還所掠婦女童穉數萬餘賊遂平及議政和
地廣難制請割其二里及福安一隅置壽寧縣薛公上其功
進祿二級御史應顥荐公可大任吏部以資淺不行適薛公

初巡按御史許仕達并及其素不謹事許京居嘗與公鄰疑
事出於公中以危法大理卿蕭公維禎察其寃將為申辯公
念日者言年四十六當失官歎曰命也不復死平生好學
卷不釋手為詩文下筆立就雅不喜浮屠凡世俗邪妄之說
一無所感自謂以剛直得禍因號直菴人亦以是稱之後以
孫遷貴贈少傅子一恩年六十七卒于家葬雞籠山麓

謝恩字公覲號簡菴少聰慧謹言詩文倚馬立就每試不第以
子遷貴封少詹事享年六十四卒于家事聞於朝遣官諭祭

營葬于牛屯畧蓋異數焉後贈少傅子四遷選迪遲遲早卒
謝遷字于喬號木齋恩之子也成化甲午鄉試為第一人乙未
會試為第三人廷試為第一人授翰林院脩撰奉詔入館進
學辛丑同考禮部一甲三人其二皆公所取士也癸卯冬滿
九載陞右春坊右諭德甲辰再同考禮部

孝宗皇帝毓德春宮慎簡侍從首及公乙巳充經筵講官丁未
孝宗登極推恩宮僚陞左春坊左庶子兼翰林院侍讀仍加俸
一級初開經筵奉勅為日講官與修

憲廟實錄庚戌以省親請 上嘉其孝聽給驛往且賜金帛為
道里費辛亥實錄成陞詹事府少詹事兼翰林院侍講學士
加俸如前乙卯春詔以本官入閣辦事時未終喪八月服闋
赴京疏辭不允且陞詹事兼秩如舊蓋

皇太子將出閣讀書欲重儲端之任故以輔臣領之也丙辰
命主會試所取多名士是歲有霍袍犀帶之賜丁巳勅修
大明會典為總裁官戊午春

皇太子出閣奉勅陞太子少保兵部尚書兼東閣大學士己
未賜一品服且有玉帶蟒衣之賜癸亥會典成陞太子太保
禮部尚書武英殿大學士甲子以災異再乞避位不允乙丑
孝廟不豫受顧命

武廟登極勅加少傅兼太子太傅餘秩如舊丙寅纂脩

孝廟實錄元總裁官初開經筵賜冠帶衣履蓋追念

先帝遺命付託之重待公等甚厚十月三引疾乞休遂允之賜
勅給驛月給廩米五石歲撥輿隸八名仍賜金幣襲衣時太
監劉瑾以公等先嘗裁抑其黨欲甘心於公會鄉人有以賢

良應荐者瑾謂違詔格以為公咎與劉公俱禡職又矯旨令公弟武選員外郎迪致仕子編修丕除名且欲追奪公誥勅會瑾敗而止庚午瑾誅詔復職致仕乙巳

世宗登極臺諫連疏荐公遣行人齎勅存問復官廩輿隸如舊而增其數焉癸未復令有司時加存問丁亥二月遣行人陳侃齎勅起公于家且命鎮巡藩臬敦趣上道十月抵京勅進戶部尚書謹身殿大學士嘗以天寒免朝參以除夕 賜御製諸詩以郊祀賜錦織大帶以疾在告遣太醫視藥餌遣中

官賜酒米少閒則遣鴻臚卿趣出視事而公竟以疾辭

上察公誠懇特從所請諸凡恩澤視前加厚焉辛卯二月十八

日乃考終於正寢享年八十有三訃聞 上震悼輟視朝一

日贈太傅謚文正遣官諭祭者九遣工部主事羅餘慶治葬

事配茹墟徐氏封一品夫人合葬仁杏山焉子六人長正性

宏毅公溥不事榮利習舉業世稱長者善真草隸篆官至禮

部儀制司員外郎管內閣制勅房事配徐氏享年八十六葬

江巢長子用賓贈尚寶司卿次子用櫟以儀部儒士終欽州

太傅正文謝公遺像



日次丕弘治辛酉順天鄉試為第一人乙丑會試為第四人
廷試為一甲第三人授翰林院編脩以逆瑾故家居十六年
嘉靖龍飛起于家官至吏部左侍郎兼翰林院學士掌院事
卒于家贈禮部尚書諭葬祭焉配毛氏享年七十五葬于西
巖之余季墩為選後次亘大理寺寺副次亘左軍都督府經
歷為迪後次至武定州州判次聖南都兵馬終膠州州同知

又正公自贊

才乏經綸器非瑚璉意廣智疎量狹中淺幸際

昌期濫叨盛選跡誤廁於廊廟榮謬膺夫軒冕固知小載不可
以大受而綿力不足以致遠每臨事而兢剔恒捫心而懷報
徒追

先皇之殊遇欲圖報塞而強勉結舌之際持論侃侃匪躬之故
遭時蹇々觸危機而罔恤當逆鋒而直犯豈見可而忘難惟
以縮而自反向非

聖明之護持蓋將大侈之不免既蒙

麻而瓦全亟奉頭而鼠

竄寂寞之坳寬閒之畎農圃是親麋鹿為伴苟藏拙而引恬
因習閒而成散謝世路之紛華遂平生之踈懶肆川泳而林
棲玩霞舒而雲捲振素衣于高岡濯敝纓於清澗藉嘉蔭以
夷猶求素心而往返遵王路之平々履幽貞之坦々內深省
乎百愆德敢忘乎一飯時歌咏夫太平聊優游吾衰晚

謝選妻陸氏者同邑陸蘭墅之女也歸選三年而寡時年二十
一無子止一女誓不再行後數歲選兄文正公遷生次子丕

命以為後丕力學獲解順天官至吏部侍郎累封太淑人詔
表其廬年八十六而卒特賜祭葬以節壽加賜寶鈔三千貫
云

謝迪字于吉號石崖遷之弟也弘治己未科進士歷官兵部武
選司主事職方司員外郎時以逆瑾故家居十六年嘉靖龍
飛起于家授江西布政司參議按察司副使河南按察司按
察使廣東布政司左布政使卒于官葬雞籠山南無子文正
公以第四子亘嗣其後

謝用模字師彥太傅文正公之孫也七歲能屬文世稱奇童十
五歲魁鄉薦尋卒有奇異錄存于家

謝敏行字企之太傅文正公之曾孫也少孤教育于祖母徐宜
人大父茅山公直內閣制勅房時日侍文正公承顏養志綜
理家政殊無絜綉氣尋以文正公身復卹典授尚寶司丞歷
陞太常寺少卿居官三十載日與海內達士交遊砥礪長于
詞翰雅為朝紳敬重歸田不以營家為念而拳拳於祖宗大
義每身任之復三太傅祠祭修東山世墓并輯其志暇則蒐

繼經史詠詩訓子母替家世年高行方執德匪懈所著有怡
菴堂稿蠹榻貽編存于家子三人長即志望志在志堂

謝志望字見甫太傅文正公之玄孫也當文正公八十時生五

代見面人以為難入國學性至孝樸行好學有勇略嘉靖癸
丑倭夷入犯東浙臨山澗城為其攻陷因招金募義保梓里
頃聞諸守臣許東望延為上賓籌畫兵食戰守之策每拒賊
皆獲奇功殘賊擁大眾自台入掠餘上身請禦賊巾嶺乘雪
三晝夜援餉不繼矢盡力竭而死撫按交章荐錄卹典

勅贈太僕寺丞蔭子立祠春秋祭祀焉宗伯李泉孫公作傳以
記其事子一秉忠

一鵬字伯程遵之子也性沉毅不事華競以國學生授光祿

晉丞終陝右行太僕丞子幼尋致政悠悠泉石日惟課子詩
酒徜徉焉子一子奕國子生

謝麟字子仁原廣五世孫也性慷慨喜光名嘉靖甲寅會東夷
入犯弃儒從戎每以智計干少師徐存齋公公奇任之浙直
有試輒効以才武稱由錦衣籍授戶侯頃東山文靖公祠宇
國慶禪院災多方叙建北虜犯右衛朝命贊戎相機戰守以
功陞千戶侯尋病卒于官

謝樞惠正公七世孫也性明敏勤學好問雖老不倦通諸子百
家尤功於詩賦洪武間以文學荐于朝

御試對策第五賜酒命對雙谿夜月沉淵底應聲曰萬國春風
滿關中

上喜授侍御史辭曰臣山林秀才不識刑名因奉使山西寧鄉
縣取勘戶口錢并選校尉力士及體察官員賢否有密旨曰
御史出使既如所在毋枉賢良毋縱惡人從實來奏等語兩
年事竣得力士曹成身長九尺

東山志卷之八
上喜由是寄名還家後復改授泰和等縣訓導終上饒縣教諭

子二人敦敷

謝敷梔之子也幼穎悟甫十三能文舉應天府辛卯鄉貢試南

宮中乙榜授旌德縣訓導終邵武府教授遂居邵武縣東隅

寧泰坊子五人

謝煥敷之子也以德行舉累官至九江府知府復居臨海

謝端敷之子也福建鄉貢試南宮中乙榜授山西石樓縣訓導

從父居邵武縣

謝燠敷之子也福建鄉貢舉進士授侍御史終兩淮都轉運使

從父居邵武縣

謝訓號霍峰惠正公十八世孫居規橋以歲貢分教范邑

謝鯨字邦化號碧霄由貢士授廣東肇慶府訓導陞丹陽縣教


諭

皇清乾隆二十六年

卷之八

皇清乾隆二十六年

卷之八



謝肅晉太傅安之後裔其先始寧東山徙居上虞之後山學問
該博洪武中以明經舉授福建按察司僉事所著有密菴稿
與唐肅齊名時號會稽二肅

謝澤字時用號雪舟肅之孫也贅會稽張氏因家竇姜村舉進
士累官廣西叅政佐柳侯征夷詔撫全活者以萬計九載考
最擢通政使時正統十四年鑾輿北狩奉命提督居庸等關

虜勢猖獗力不能支遂死其難

朝廷嘉其忠詔賜葬祭錄用其子儼大理寺評事

謝元順號鑑塘舉正德丁丑進士官至郎中澤之曾孫也

謝瑜字如卿號捐齋澤之曾姪孫也舉嘉靖壬辰進士任御史

抗疏權姦獲罪家居二十餘年卒贈太僕少卿

謝師成字汝器號用齋舉隆慶辛未進士任揭陽縣令瑜之從
姪也

謝師嚴字汝心號省菴舉嘉靖乙丑進士任武進縣令陞工部

主事率師成之弟也

謝鈍字原英太傅文靖公之裔其先自始寧寓會稽之妙嘉橋父善見贅益對里之益氏因家焉時當元季革命之際獨力學孝養口受春秋意肯於里人王守拙氏積學不試竟以課子訓農為造家法居無何子旭以春秋魁浙而孫顯顯圭會相繼科甲貽穀之教表于鄉邑別號思難有思難堂記

謝旭字景暘鈍之季子也性警敏而才氣豁如以春秋膺正統甲子鄉薦授藥城學博士忤院臺欲辱之即解綬歸家居訓

子課農至今豐贍之學剛毅之氣雄偉之文鄉邑誦之子二曾會曾字時勉業成均授贛榆縣學博文節氣無愧先世會載別傳

謝顯字時榮號後齋旭仲兄鎮之子也幼穎悟一過輒成誦弱冠膺成化乙酉鄉薦己丑進士選翰林庶吉士授侍御史雄才勁氣著于朝端五持按節激揚風裁吏多望風解綬總署十三道篆歷九載當陟內臺以嘗論萬妃故外補陝西副使尋謫知蘭州有惠政復陞山西副使卒于家蘭人至今祀之

謝顯字時望號素齋顯仲弟也膺賓貢終魯藩博性毅直以道
弼王王敬潭之解綬歸有司敦請鄉賓壽終八十四長子懋
世其學歷場屋者十科時稱名儒郡守梅君褒其孝友公舉
鄉賓焉

謝圭字時通號直齋鈍長子宏之子也性豪邁以春秋魁成化
庚子鄉薦授江西永寧縣尹存心愛民歷有惠政當道薦其
在縣一日民受一日之惠咸謂確論三載以疾不赴覲特踰
格畱之竟以疾告歸豐民立祠祀焉

謝會字時濟旭之少子也以春秋膺成化癸卯鄉薦抱德蓄才
未究厥施而卒子三敬發殷殷性孝友質直業成均授副兵
馬後以子貴封刑部郎中孫紘曾孫宗明相繼甲科人以謂
潛德之徵云

謝恩字承之顯之少子也膺正德庚午順天鄉薦授雲南鎮南
知州地雜夷難治至則和輯其俗先以禮讓民為丕變秩滿
歸行李蕭然再補昆陽州構病卒于家性豪邁而才思充溢
未究厥施人咸惜之自名其居為弘毅齋

謝恕字行之號近齋顯仲弟雲之子也膺弘治甲子鄉薦授廣信府學訓以身教人兩典試事少師費駭湖家居時首以學行薦于當道請其子必業謝先生齋及門之士咸曰古君子也尋陞國學錄師模推重一時陞南康府別駕廉靖惠民有公羨即捐築湖堤以防民患盜誣窩百家將以萬金解至即辭遣不滯一夕其操介類此性孝友忠信薄於自奉廉於守官誠於待物在任五載當道薦之未及大用而卒子三偉俊佐俊孝友稱于鄉無愧清白後云

謝徵字集之號台峯曾之季子也膺嘉靖乙酉順天鄉薦授安東縣尹縣濱海積饑民多逋亡務節冗費寬征輸墾田三萬餘畝以業流民及奪復豪右侵占蘆蕩百餘里變賣草價鹽銀以抵逋稅民多全活再補漕縣陽春如議革管河冗員還借民地築堤之利以抵額糧是其存心愛民政先幹理者也第性簡直不苟徇上官以此忤時三仕終縣尹晚立義學義塚惠于鄉家子廷言端厚克肖仕陽穀上津簿

謝廷訓字天成號雙湖曾之孫也膺嘉靖辛卯順天鄉薦授邵

武縣尹有惠政再補太田縣縣新創當延泉漳三郡之交最稱難治至則申祖訓以諭俗刻版圖以均賦創縣志以彰教俗為丕變舊有谿湮塞燔石開之百餘里時稱便後以入覲率于途有去思祠

謝紘字章甫號雲門弱冠以春秋魁嘉靖戊子鄉薦己丑進士授比部主事左補茶陵州判州多大豪及鄉貴人持州事輒制之不為所撓未幾轉絳州貳執禮匡其宗室當道器其才量移漳州府貳時征安南督府使怙勢歛民即驛書白其奸

狀戴陳二氏以宗橫二千石不能制獨以法鋤之尋陞比部郎持法不阿深為尚書屠公僑所器如富宦勲戚奸事梗略成獄平生和易淡雅而遇事剛果不懼強禦五典遊士咸得人尤能以義元宗第直道忤時仕終平樂郡守

謝宗明字子誠號葛山失怙恃事繼母孤苦嗜學不失孝敬膺嘉靖己酉鄉薦丙辰進士授比部郎陞隴右僉事居官謹格外貌簡訥而任事詳核當道有恂恂長者之薦性朴約歷貴顯如寒素邊徼勞瘁咸惜其才議移內任行率于童關繼

室高氏方青年携前孤扶櫬還葬經紀其家弗墮厥聲有采
蘋栢舟之風提學屠戮英聞而獎之

謝彥晟波之五世孫也居漫池少豪挾不羈有匡世志縣令首
薦其材元季辟判烏蒙軍民府彥晟耻食元祿不應詔遂退
身田野治第務高廣雕琢

皇明間忤刺史以違例建屋聞責修官廊終以不羈獲譴戍陝
西甘州羣牧千石所子五人可溫可良可才可道可讓可才
習騎射兵法比征北虜有功補世襲官帶石長後裔繁衍世

稱會稽大家焉波太傅安二十五世孫徙自上虞

謝濂字允清太傅安之裔也家剡西白泥墩舉景泰甲戌進士
授刑部主事轉郎中陞河南布政使司叅議卒於官

謝杰晉太傅後波之裔孫也居漫池妻王氏年十六歸杰未及
期而從外父母之都下客死焉毀形痛絕復甦者數矣自念
懷妊幸育子尚可以繼夫後逾四月果子母又沒伶仃孤苦
殊無倚賴視其子不可無恃躬勤紡績針黹永矢苟全父欲
奪其志抱孤挾主籲天號泣曰吾之不死者為謝氏一塊肉

且豈可因貧而變節委死異鄉耶不食者三日父知其終不
可奪遂寢雖在流離中凜不可犯每以不能携孤扶柩南歸
為恨適杰從弟汝榮以太學生赴試杜畿往探之憐其孤寡
窮困且悼二柩之暴露遂捐資營歸王氏始得携孤扶二柩
南還祖孫姑婦竟得完聚朝夕奉姑曲備孝敬教子必以義
方屢有空乏汝榮又從而周之故里人稱王氏之苦節嘉汝
榮之仗義也

謝鑾居漫池為波裔孫性資朴實素履至孝教授小學為閭里
稱善父國琛久病嗜葷齋乃跣足日於鄰田踐拾所遺供之
雖大寒冰凍手足皆皸成瘡不之恤也遭父喪日夜號泣血
痕沾席奉母樹養備至值危疾醫禱弗效鑾即焚香割股告
天願以身代母病尋愈居八年母歿哀毀成瘡疾每夢父母
色喜則病減色憂則病增如是者七年忽夕夢神持簿與鑾
添算驚晤告其姊曰此神祐也吾弟必生矣果病痊乃罄
產築墓於舍傍朝夕禮事如生以枯木標紙錢插於墓上逾
月復榮衆羨孝感之所致聞於撫巡司府累旌匾其廬給以

粟帛羊酒其粟帛廼旁及於鄰佑之博發者已編次會稽志云

論曰人不在富貴期於孝弟女不在閨秀期於貞節觀漫池王氏之守節謝鑾之孝行深有感於斯書之以俟後之觀風者表焉

謝讜字正卿號海門太傅安之裔也其先謝珪自始寧徙居上虞之夏蓋山舉嘉靖甲辰進士任泰興縣令高志不仕率于家有海門集傳於世

謝澀良字伯遜元至正間客昌國奉母陳氏病癥伯遜割股作糜以進母輒差時昌國方內附會蘭秀山盜發朝廷命殲之州人悉竄匿山谷伯遜侍母病獨不去師義而全之尋奉母還黃巖而留橐舊館越一年往取比至忽夢母盛飾坐堂上輒棄橐以歸母果病且危又一年母復病痲手足癢痺伯遜扶持坐臥凡十有三載愈久不懈洪武中以孝廉應召且授官勅還祀其先竟病卒五世孫鐸

謝省字世脩以進士起家天順初拜南京車駕主事行轉武選

員外郎成化己丑遷寶慶知府至則首與神誓悉推堂食錢
為公用大書真西山四事十害為僚屬戒仍條民隱十四事
請于上次第行之春秋以時省民周其不足至給牛種以千
百計教民婦女紡績斥淫祠以為社學會計郡儲可支五年
乃選學官子弟廩餼之親詣社較課程行賞罰至黜縣令不
法者二人籍其贓以代民賦繇是境內肅然皆望風相戒會
岷府奏欲徙建宮殿檄有司議公執不可府中人行數百金
令有勢力者來間不為動已而巡撫都御史力主其議公乞

養病不許既而以考滿行至中途上疏歸是時公年才五十
餘聲望駁然當道交章薦之檄下郡縣趣公而竟不至吏
部或問其故則曰士方好進故吾勇退以風之歎民思其政
而廟祀焉既歸囊橐蕭然田園廬舍一無所問牧之祠墓間
倡族人及封君世衍作會總亭每旦必深衣幅巾以謁祖考
又率同宗人祭始基之祖作敦彝十二會暇則與子弟講學
方巖書院議行鄉約所著有行礼或問杜詩註解逸老堂淨
稿梓傳于世卒年七十有四門人謚曰貞肅先生子三人

其

其
鄴人授田十八餘畝計公合祠墓義學田不及百畝云鄴
亦能詩

謝鐸省從子字鳴治號方石天順己卯鄉試第二甲申第進士
出身以廢吉士授編脩奉

旨校勘通鑑綱目上疏言神宗喜通鑑理宗好綱目而不能推
之政治因勸求賢講學稽之經傳質以史書直以今日之事
驗之既往之迹內省思齊長慮却顧則大本立而萬目隨之
矣預脩

英廟實錄成會秩滿遷侍講在經筵撰講章必盡所欲言少
忌諱復以家艱去既免喪謝病不起且數年朝士交薦之就
徵修

憲廟實錄擢南京國子祭酒以身爲教上疏請增楊龜山從祀
而黜草廬吳氏乞致仕歸薦者以十數特擢禮部左侍郎管
國子監祭酒事命吏部遣使即其家起之公再辭不得已就
道得疾徑歸復敦迫日急乃行至京辭所加職以本官治事
亦不許乃就職諸生貧困甚死無以歸其喪者咸有給焉居

二年再疏乞歸不許修歷代通鑑纂要為潤色官疏又五六
上又不許復以疾乞歸命給驛令有司候病愈聞正德庚午
正月廿有四日終于正寢壽七十六贈禮部尚書謚文肅祭
葬咸如著令云公孤介寡合性氣屹屹然嗜義如渴見不善
若將浼焉家居極孝友自違養復無意仕進從其叔父貞肅
先生學師事終身置義田書院田若干畝修宗譜構墓廬為
合族計姍黨知識困乏者咸有周卹顧實無長物惟節俸入
為之居常第蔬食醴飲而已比至鄉郡見諸先正遺文善行

皆輯錄以傳公為詩精練不苟力追古作文尚理致謹體裁
考訂評騭多前人所未及所著有桃谿集續真西山讀書記
伊洛淵源續錄元史本末宰輔沿革國朝名臣事略尊鄉錄
赤城新志論諫錄祭禮儀註凡若干卷既歸會

敬皇帝賓天為之大慟已而權姦用事公聞劉晦庵謝木齋二
閣老致仕去輒又慟已又聞劉華容謫戍又慟自復凡有北
來人輒顰蹙問邸報又輒連慟見素林公俊嘗曰謝公天下
第一流人物其高在出處之際其進也如不得已其退也如

追不及

謝懽文靖公裔孫也自章埠徙居張西畧時纔五世子姓繁衍
性朴實孝友起家勤儉壽八十四

謝璉字宗玉號木庵太傅文靖公之裔孫也其先自始寧移居
上虞之章埠才敏博達以禮經魁景泰庚午鄉薦授陝西同
州學正轉鎮江府教授嘗三典試事尋致仕卒于家子姓至

令繁衍

謝綬字維章別號攄菴始祖惠鄉任臨川內史靈運裔也自樂

安洙原徙于龍岡考諱輔仕至浙藩方伯公弱冠舉于鄉登

景泰甲戌進士授工部主事歷四川廣西叅議屢平劇寇荔

浦猺獞逢起當道檄書率師討之時同事者欲槩屠之以收
功公力排羣議殲其渠魁全活協從者幾千人餘黨納款請

置永安州治之繼陞陝右叅政歲大侵多方賑濟於鳳翔通
引沙流分漑諸縣田民德其惠樹碑紀績焉尋進方伯遂巡
撫湖廣兼贊軍務以法抑宗豪多所經略請立張橫渠祠于
郟修復胡文定祠于衡山其安民崇儒類如此轉工部侍郎

南京工部尚書既而請老勉留之再竟率于官伯兄紘官至
國子學正次紹尋甸軍民府知府弟紳以孝行聞緝舉進士
官處州府知府子二珙環

東山志卷之九

制命

勅贊晉太傅謝安像

儀顏雍々才華榮々度量宏寬識見超卓繫晉鼎之安危
憩東山之林壑烏乎實成周之召公而有商之傳說也耶

皇 宋

紹興十四年九月十二日

之 章

按圖譜太傅文靖公諱安字安石自太元中錄尚書事加
太保後贈太傅謚文靖居紹興之東山東山今在上虞縣
有大江小江有東眺西眺有薔薇洞洗屐池公放情高隱
而已矣

元豐庚子歲伏臘月廿日

勅命校書郎太學博士襄陽朱芾監定真蹟謹題

太傅文靖公像

朱芾篆

太傅安石贊詞

德被當時名垂後世會稽之陽東山之地養高自樂哲人
之計

玉

宣和二年伏臘月廿漆日

璽

皇上在弘文館親命儒臣太學博士校書襄陽朱芾印記題識

太傅文靖公謝遺像



勅贊晉康樂公謝靈運像

文章之美冠於江東風流之最出於羣雄得夢草之佳句
雷兩履之高風噫悲九原之不可作而百世徒想其德容
也耶

皇宋

紹興十四年九月十二日

御書

按世系康樂郡公靈運太傅公之後姪孫也丰姿奇偉美
鬚髯擅文章世稱江左第一也宋元中為永嘉太守襲父

康樂公謝遺像



爵封康樂郡公遂曰謝康樂也襄陽米芾監定真蹟謹題

康樂公靈運像

米芾篆

靈運贊詞

康樂郡公父作子述天生異才挺然美質雲山自樂林泉
自得 十世孫謝援獻祖像安石靈運于弘文館

皇上顧命儒臣親為題

王

宣和二年臘月廿三日識

璽

勅賜刑部侍郎謝翱

卿聞望素著勤勞有年不有眷遇曷示懲勸茲特賜爾鞍馬爾其領之欽哉

皇 宋

天禧五年二月二日

御 書

勅刑部侍郎謝翱

大政所關西臺為重朕惟其選無以易卿宜即欽承毋煩退避

皇 宋

天禧五年二月二日

之 章

勅贊刑部侍郎謝翱像

壯志吞吳精忠貫日土奠民安文興武息作朕股肱為國

柱石

皇 宋

紹興五年四月五日

之 章

勅翰林院學士謝絳 卿久居廊廟出臨江淮綏懷流亡肅遏

寇盜遠惟勤瘁特示撫存

玉

元祐二年七月二日

璽

勅贊翰林學士謝絳像 卿之學也博卿之行也確卿之出也

風雲廊廟卿之處也煙霞丘壑

皇 宋

紹興五年四月五日

之 章

學士希深謝公遺像



勅陝西轉運使謝卿才

朕惟治邊者不計財惟邊之所用治財者不恤民惟財之
為富此古今之通患也朕知汝才之可倚忠厚之可信故
以西方之職責成於汝得與涉專者惟適厥中以民為本
可

皇 宋

元祐二年七月二日

御 書

勅贊陝西轉運使謝卿才像

德厚君民才兼文武樹績植功受封東土佑啓後人有光

烈 祖

皇 宋

紹興五年四月五日

之 章

秘閣用謝公遺像



朝散大夫試御史中丞謝深甫封臨海縣開國男食邑三

百戶

勅朕新嗣服日有事於合宮兢：焉懼不閑於禮而無以接三
才之奧也詩不云乎相維辟公天子穆々朕嘉賴焉朝散
大夫試御史中丞謝深甫以海內之英有言有績輦下彈
壓不怒而威回天之力見於瑣闥延若論思義形於色賢
勞忠瘁世莫得聞也肆相予祀克輯上儀徹之土田第循
故事方圖爾功嗣有顯擢可

惠正謝公遺像



勅奕昌規春倚季璧月迎圓天姍森列戟之輝

皇覽記六蓬之瑞若稽彝典爰有匪頒式增恩華徃綏壽祉今

賜卿生日羊酒米麩等具加別錄至可領也故茲詔示想

宜知悉

賜奕昌 年一十三口 法酒六瓶 法糯酒六瓶

糯酒六瓶 秔米十石 麩十石

贊壘山像 蚤歲英邁議論激發晚遭崎嶇不失臣節飽忠飫
義我腹匪朽充然而歸文山並高

疊山謝公遺像



Large stylized watermark characters, likely '上海' (Shanghai), are overlaid on the page.

Small vertical text on the left margin, possibly a library or collection identifier.

Small vertical text on the right margin, possibly a page or volume number.

宋度宗除樞密使謝堂左相制

勅門下朕聞道寡昧遭時多難予欲右於有民非賢罔入爰置
左而輔德命相維良瞻舊臣猶有典刑與吾國寶同休

戚恭奉

慈闈之命庸升上鉉之尊播告在庭欽予時命光祿大夫樞密
院使柱國東陽郡國公食邑一千一百石實封三百石

賜紫金魚袋謝堂允文而允武有德而有言蘊藉而風流人

服東山之雅量柔嘉忠直世稱南國之良翰思昔佐慶元
之隆至今推先正之烈幾世之甘棠舊笏猶有祖風百年
之喬木故家益培相業雖以階庭之秀儼然山谷之癯清
白相傳未嘗處膏腴之潤謙卑自牧莫加乎肺腑之聯項
歷試於民庸迨升培於宰路適風塵之頓洞歎人物之蕭
疎卿可謂社稷臣矣杭使旌而出朕如得左右手幡然
喜公袞之歸既使宰周公而往監可無候張仲之在內庸
登揆席兼總機庭既益峻於文階宜升陪於井賦可特授

銀青榮祿大夫同中書門下左相使知樞密院使餘勳封
散官如故惟定力可以興仆而值僵惟公心可以集思而
廣益於戲國亂思良相今大用於真儒板蕩試誠臣尚永
堅於晚節

勅兵部尚書謝諤

朕惟西土弗靖爾則在行靡征不從日月逾邁曲獲邦計
實殫厥勞德務邊機勤爾所服欽哉

皇
宋

紹熙元年八月一日

御
書

勅贊兵部尚書謝諤像

志有守學有成厚其施而昌其齡烏平令名百世是歆

皇
宋

紹興五年四月五日

之
章

皇帝勅諭少傅兼太子太傅禮部尚書武英殿大學士謝遷卿
出逢景運歷事

先朝首擢廷魁荐登秘閣誠心直道博學宏才昌辭大闡於謀
猷健筆私敷於制作清白之操百鍊愈精剛毅之氣萬人
必往荷

先皇之末命寔朕躬之是遺嗣統之初茂隆倚任乃能開心輔
德隨事納忠定國是于著龜獻箴言于藥石時當勤恤義
切臣鄰方一體之是資遽累章而求退勉畱至再祈請益
堅持示允俞用成雅尚命有司給驛還鄉月給食米五石
歲撥人夫八名應用仍賜白金綵幣襲衣以表眷懷夫狀

元執政自古為難而全節完名尤不易得竊茲衆美式見
于今卿歸養德抱和順神蒸壽化善良于鄉里貽宦業于
子孫續安石之高風酬王曾之素志於戲志力有餘年齡
未艾卿其保慎之哉故諭

勅命

正德元年十月十七日

之寶

皇帝勅諭致仕少傅兼太子太傅禮部尚書武英殿大學士謝

遷

朕惟人臣立朝得行其志建功立業者固難而退處其鄉
壽考康寧完名全節足以繫天下之望尤為不易卿性資
端方器識宏遠粵自蚤年潛心正學遂以文章大魁天下
蜚聲翰苑譽望彌隆逮我

孝宗皇帝簡注有素爰自宮端擢居內閣朝夕獻替不激不隨
宣達德意慎守彝章培植人才護惜善類延訪于便殿顧
問于平臺危言讜論裨益弘多當時政化清美寔惟卿二
三大臣佐理之功暨聞

末命付託諄切益感知遇誓竭誠悃故當

武宗皇帝改元之初隨事納忠協心匡弼其毅然不可回之氣
徃々形于詞色釐革宿弊斥逐羣小直道難容告老而歸
高風大節播在天下中遭權姦橫加讒抑旋復昭明人咸
欽仰之不置乃今年躋七秩體履安康子姓蕃茂全德盛
名求之前代亦不多見焉朕嗣承

天序圖新治理顧茲尊賢優老之典誠不可緩惟卿

累朝耆舊寔軫朕懷矧夫公論明揚至再至三亦可以見卿之

賢於人遠矣茲特遣行人齎勅存問仍賜羊酒命有司月
餽官廩八石歲給輿隸十名用表異數卿其體朕至意願
養天和茂膺壽祉用表儀於天下則非特卿一鄉一邑之
光而已書曰爾身在外乃心罔不在王室行將起卿於家
庶幾得聞猷告以輔朕之不逮惟國家有無窮之休而卿
亦有無窮之聞矣欽哉故諭

勅命

正德十六年七月十五日

之寶

皇帝勅諭少傅兼太子太傅禮部尚書武英殿大學士謝遷

朕惟自古君天下者必圖任舊臣商書曰人惟求舊周書
曰無遺壽者蓋以老成之人閱歷多則舉措審見聞博則
謀慮精况其風聲容色足以消人邪心弭人逸志欲弘至
治必得若人卿蚤以文魁天下敷歷館閣望重一時德器
才業簡在

先朝既乃以忠直見忤擯斥家居者十有六年朕在藩邸已知
其名比當臨御之初復採公言遣官存問邇因內閣缺人

輔臣薦卿堪為元佐深協朕懷特遣行人陳侃齎勅召卿于家仍令浙江鎮守巡按等官敦趣上道馳驛而來虛席以待惟卿風采凝峻表儀朝著尚資納誨輔德之功用成昌大休明之治若常行政務及文字纂述之事俱不相勞且朕既曲盡禮下之誠卿亦當勉圖體國之義勿上辭章以負朕望昔唐之郭子儀裴度宋之文彥博俱以耄年被召繫國重輕卿年雖老精力尚健是宜幡然而起毋令諸臣專美前代惟卿之休亦惟邦家之光卿其欽承之故諭

勅命

嘉靖六年三月初七日

之寶

皇帝勅諭少傅兼太子太傅左部尚書謹身殿大學士謝遷卿始奮奇挺靈來自南服以文學魁天下既而自翰林轉宮僚講筵供奉敷仁義之嘉言史局編摩持是非之直筆積歷既久官序屢遷遭際

孝皇擢居綸閣謀猷隱于入告功化著于外宣承顧命以受遺屬讒言之罔極優游林壑者二十餘年縉紳想望其風采

朕入嗣

大統以來廷臣交薦繼以輔臣之請乃遣勅使召卿於家趨命入朝朕深嘉悅方切倚毗而以年老乞歸上疏懇請伏致朕慰留益切而卿請益堅察其志有不但已者勉從所懇給驛差官護送還鄉人夫食米照舊撥給應用仍命有司時加存問夫求舊固君人之義而優老亦王者之仁卿之年躋於八十而其請至於四五固有不得而強留者矣古者大夫為父師士為少師朝夕坐里門教其鄉人子弟此風俗所由厚也卿年雖老而精力猶健尚歛其所未竟者以教於其家覃施於其鄉孔子曰是亦為政奚其為政傳之天下必有聞風而興者不亦大有益於我國家歟卿其葆光順神益臻壽考以慰朕懷故諭

勅命

嘉靖七年三月十六日

之寶

奉

天承運

皇帝制曰人臣盡忠不以進退渝其節朝廷眷舊不以存亡異其恩矧茲黃閣之耆英雅繫蒼生之重望懸車再遂易箦俄聞宜極優崇用昭終始故致仕少傅兼太子太傅戶部尚書謹身殿大學士進階特進光祿大夫左柱國謝遷少負奇才出逢昌運名魁多士詞林擅華國之譽資歷清階經幄展格心之蘊典史局而萬世之是非不謬司文柄而一時之俊彥兼收蚤際

孝皇擢居秘省慶明良之交會效兩魏以同心

王几受遺金滕再啓雀鼠構釁雖見沮於匪人麟鳳儲祥終應徵於治世逮朕嗣統首詔褒賢勁氣清風驗海內瞻依之切高年碩德孚朝端論薦之公爰增級以殊霑復遣官而存問存膺召命深慰羣情屢上辭章竟成雅志昊天弗弔慨大老之不遺斯文未已恍令儀之長在茲特贈為太傅謚文正於戲赫々台垣命數偶符于安石明々輿論聲稱奚媿于王曾全歸河嶽之精永作衣冠之範幽靈弗昧茂渥其承

制誥

嘉靖十年九月初四日
之寶

